

Bidarteko operazioa

HB: «Atxiloketa hauek ez dituzte aldatu gatazkaren koordenadak»

ETAk «eskenatoki politikoan jarraitzen» duela dio Idigorasek

Euskal Herria eta Estatu espainiarraren arteko «gatazkaren koordenadak ez dituzte aldatu» ETAk zuzendaritzako ustezko hiru kideren atxiloketa dela eta, Jon Idigoras Herri Batasunako bozeramaleak adierazi duenez. «Artapalorekin edo Artapalo gabe, ETAk eszenatoki politikoan segitzen du», gaineratu zuen Idigorasek.

P.U. / DONOSTIA

Bidarten Frantziako Poliziak igandean egin zituen atxiloketen balorazioa egitean Herri Batasunak «Euskal Herria eta Estatuaren arteko gatazkaren koordenadak» ez direla aldatu azpimarratu zuen, Donostian eskaini zuen prentsurrekoan.

«Artapalorekin edo Artapalorik gabe, ETAk eszenatoki politikoan segitzen du», gaineratu zuen HBko bozeramaleak. Hori dela eta, HBk ETA ordezka dezakeenik inork ez dezala pentsa zehaztu zuen Idigorasek.

ETA bururik gabe gelditu dela zalantzan jartzen duela HBk adierazi zuen Jon Idigorasek. «Ez da ezertarako aldatzen gatazka



Erkizia, Idigoras eta Aoz atzoko prentsurrekoan.

A. GILLENEA

konpontzeko moduaz eta bere solaskideez daukagun ikusmoldea», argitu zuen Jon Idigorasek.

Igandeko atxiloketei buruz, Herri Batasunak egin duen beste gogoeta hau jakin erazi zuen Jon Idigorasek: «Bidarten gertatu dena gertatu zitekeela ETAk aurrirakusten ez zuela pentsatzen duena inozoa da».

«GIZARTE ZIBILEAN ERROTUTA» Frantziako Gobernuak «huts egite handi bat» egin duela eta Madrileko analisi faltsuek «kutsatu» dutela esan zuen HBko bozeramaleak.

ETAko ustezko hiru kide kua-

lifikatu hauen atxiloketak elkarriketa erraztu dezakeela esanez agertutako zenbait iritziei erantzun zien HBko bozeramaleak. «Elkarriketaren bidea zabalik dago Espainiako Gobernuaren jarraitzearen arabera, egoera duela hamabost egun zegoen bezala dago», esan zuen Idigorasek.

HBren ustez, «ETA ez da fenomeno terroristarik, baizik eta Euskal Herriaren subiranotasuna lortzeko klabe politikoan ari den erakunde armatua» eta «gizarte zibilean errotuta» dago. Hori dela eta «orain arte gertatu den bezala» zuzendaritza «berriro osatuko» duela uste du HBk.

Atxiloketek indarkeriaren amaiera ez dutela ziurtatzen uste du Allik

IRUÑEA

ETAko buruak atxilotzeak «momentu honetan ez du ziurtatzen indarkeriaren bukaera», adierazi zuen atzo Juan Cruz Alli lehendakariak. «Oso zuhur» mintzatu zen Gobernuak burua, erakunde armatuaren aurkako operazio hau «guztiz arrakastatsua» izan dela adierazi arren. Era berean, «terroristen talde armatua apurtzeko emaitza positiboa izan da, polizien aldetik egina», gaineratu zuen Allik.

Halere, hau ez dela eperra harapatu baino lehen saltzeko modukoa zioen, «denok ukitzen gaituen arazoa konpondu dela pentsatzeko modukoa». Mota honetako erakundeetan «agintariek erortzen direnako alternatibak beti prest dituzte, eta automatikoki beste zuzendaritza bat jartzen da martxan», azaldu zuen lehendakariak.

Orain «arisku nabaria dago, ez bakarrik mobilizazioen alde-rik, baita erakunderen beraren

✓ Balorazio positiboa egin dute Nafarroako alderdiek operazio poliziala dela eta.

aldetik ere, kolpe hau erabakiorra ez dela izan pentsarazteko operazio gogorak martxan jar dezake, bere indarrak berdin daudela adierazteko», argudiatu zuen Allik. Inportanteena, bere ustez, «erakunde armatua eta bere inguruan kolpe honek beste batzuk ekar lezakeelako sentsazioa da, gerra hau galdurik dutelako susmoa, denboraren arazoa besterik ez dela, gizartearen gehiengoa aurka dutela eta demokraziaren barruan bere ideiak sistemaren baitan defenda daitezkeela», argudiatu zuen nafar agintariak.

Javier Otano Parlamentuko presidentea eta PSN-PSOEn kideak ere «zuhur jokatu behar

dela» zioen. «ETA, HBren bidez duen laguntza eta oinarri sozialarekin, suspertu egin daiteke». Halere, «operazioaren balorazioa guztiz positiboa da, Espainia eta Frantziako poliziak zorian-tzeko modukoa, ekintza hau garrantzi handikoa izan daitekeelako, atxiloketaz aparte lortuko zuten informazio inportanteagatik», azpimarratu zuen Otanok.

Eako Iñaki Cabasesentzat ETA mugimendu sozial eta politiko baten adierazpena da, beraz, erakunde armatuaren desagertzeari buruz hitzegiteko goizegi dela azaldu zuen. Bestalde, operazioa ez dela izan kasualitatezkoa zioen «ongi kalkulatuako ekintza izan dela uste dut, erakundearen sektore gogorrenak kanpoan uzteko eta elkarriketa eta negoziatziotik hurbilago dauden taldeak gora egin dezaten», azaldu zuen.

Felix Taberna IU-EBko parlamentariak, berriz, agintari hauen ordez zeintzuk jarriko diren zain egon behar dugula zioen.

KAS: «Frantses Gobernuak neurriko erantzuna izango du»

DONOSTIA

Bidarten gertatutako atxiloketek «subiranotasun eza dela medio Euskal Herriak bizi duen gatazka politikoa indarkerian oinarritu dute berriro ere» salatu zuen atzo KASek argitartutako prentsa ohar batean.

Koordinakunde horren ustez, «Estatu espainiarrak, behin eta berriro, egunerokotasunean demokraziari uko eta gure eskubideei muzin egiten dien arren itxura demokratikoa erakutsi nahi du». Adibide gisa, autodeterminazio eskubidearen edo burujabetasun politikoaren «ukazioa» aipatzen du.

Ondorioz, agintari frantses eta espainiarrei zuzenduz «oraingo honetan saldu nahi duten asmakaria hautsi egingo da egiazko errealitate gordinarekin topo egitean —dio oharra—, zer nahi duen eta

noren aurka borrokan ari den ezin argiago azaltzen duen Euskal Herriaren erantzunarekin topo egitean, hain zuzen ere».

Ildo horri jarraituz, «gatazka politikoa konpontzeko» indarkerian oinarritzea «saio ustela», dela dio KASek, eta saio horrek «demokrazia, subiranotasun eta askatasun status egiazkoa ireki eta eskuratzeko» duen borondate irmoarekin topo egingo duela. «Borondate horren islada» baino ez den ETA zein ENAM osoaren tinkotasuna, eskura dituen bitarteko guztiak erabiliz, «herri honen etsaien eraso bakoitzaren ondoren indarberri azalduko da» ohartarazi du KASek. Hori horrela, «Euskadin irteera ospatu nahi duen Frantziako Tourrean frantses Gobernuak egindako apostuak neurriko erantzuna» izango duela iragaritzen du.

Frantziako Tourraren irteeran mobilizazioak iragarri ditu HBk

DONOSTIA

Frantziako Poliziak Bidarten egin dituen atxiloketei erantzunez, Donostiako Herri Batasunako zinegotzi taldeak aurten Frantziako Tourrak Donostiatic egin behar duen irteeran talde honek zuen «ez boikoteatzeko eta abstentzio jarrera» berriro aztertzea behartuta dagoela adierazi zuen atzo eta «gure kontzientzia eta mobilizazio indarren arabera Europa osoari jakin eraziko diogu Donostia ez dela Espainiako iparraldeko hiri turistikoa, Estatu espainiarrak modu militarrean hartu, za-

paldu eta menderatu duen hiri euskalduna dela baizik».

HBko zinegotzi talde honek «Euskadi Ta Askatasunako militante diren Patxi, Fiti eta Txelis» eta gainerako atxilotuak omentzen dituzte «Euskal Herriaren askapen nazional, sozial eta kulturalaren alde hainbeste urtetan iharduteagatik». Prentsa oharrearen arabera, atxiloketekin bakea etorriko dela «uste eta une honetan pozik agertzen diren horiek, zein bake nahi duten» galdetzen da, «menderatuen bakea? Gure nortasunaren ukapenean oinarritzen den bakea?».

Olano: «Ez da benetako urratsik eman herri honen bake bidean»

DONOSTIA

1987ko urriaren 3an hasita mugaren alde batera eta bestera hasitako operazioa ekarri dute gogora egunotan izandako atxiloketek eta alderdi politikoek egin dituzten balorazioek, Juan Mari Olano, Amnistiaren Aldeko Batzordeetako bozeramalearen ustez. Atxilotu ugari izan zen orduan, Santiago Arrospeide Sarasola horien artean, eta operazioak ETArekin barruan gogoeta serioa eragingo zuela eta baita normalizazio prozesua lagundu ere adierazi zuten EAEko agintariek.

«ETArekin erantzuna oso gogorra izan daitekeela diote orain, ETAko atentatuak iritzi publikoaren inguruan izango lukeen eragina aurrez indar gabe utzi nahian» uste du Juan Mari Olanok. «Modu honetara —azaldu zuen— ETAko militanteen gartzeleratzeak arrakasta koiunturalak baino ez dituela ekarriko ezkutatu nahi dute». Horrelako operazioek ez dutela herri honen bakebidean benetazko urratsak ematen uste du baita ere AABBetako ordezkariak. «Pertsonak ordezkatzan dira, baina herriaren nahiak irauten du» azaldu zuen Olanok.